

**DEWAN RAKYAT MALAYSIA
PERTANYAAN LISAN**

PERTANYAAN : LISAN

DARIPADA : TUAN ER TECK HWA [BAKRI]

TARIKH : 16 JUN 2014

SOALAN : 140

Tuan Er Teck Hwa minta **PERDANA MENTERI** menyatakan perbelanjaan, jumlah pekerja terlibat, peralatan dan kordinator yang dipertanggungjawabkan setiap hari bagi menjaga beruang panda:-

JAWAPAN:

Tuan Yang Dipertua,

Untuk makluman Ahli Yang Berhormat, Perdana Menteri Republik Rakyat China (RRC) telah bersetuju menghadiahkan sepasang Giant Panda kepada Malaysia bagi tempoh 10 tahun semasa lawatan kerja YAB Perdana Menteri ke Qinzhou, RRC pada 1 April 2012.

Pasangan Giant Panda ini ditempatkan di Zoo Negara yang dikendalikan oleh Malaysian Zoological Society (MZS). Urusan operasi penyelenggaraan dan pentadbiran ditanggung oleh Zoo Negara termasuk pekerja-pekerjanya antara lain menggunakan hasil kutipan tiket ke Pusat Konservasi Giant Panda.

Zoo Negara telah menempatkan 2 orang pegawai veterinar dan 6 orang *keeper* di Pusat Konservasi Giant Panda. Untuk tujuan peralatan klinikal, kerajaan telah menyumbang secara *one off* sebanyak RM1.5 juta.

Sekian, terima kasih

MAKLUMAT TAMBAHAN

Satu Perjanjian Kerjasama Antarabangsa Konservasi Giant Panda telah ditandatangani antara Kerajaan Malaysia dan China Wildlife Conservation Association (CWCA) pada 15 Jun 2012 bertempat di Pejabat Perdana Menteri yang turut disaksikan oleh YAB Perdana Menteri Malaysia dan Tetamu Negara, wakil RRC, H.E. He Guoqiang. Kedua-dua Giant Panda yang bernama Fu Wa dan Feng Yi telah selamat tiba di Malaysia pada 21 Mei 2014 dan ditempatkan di Zoo Negara Malaysia.

Kos pembinaan Pusat konservasi Giant Panda Berdasarkan perjanjian, Kerajaan Malaysia perlu menyediakan anggaran peruntukan sebanyak RM3,835,925.00 setiap tahun bagi yuran konservasi Giant Panda, penyelenggaraan ladang buluh, kos latihan dan lawatan rasmi berkaitan projek konservasi Giant Panda, serta kos publisiti program konservasi Giant Panda (**Lampiran 1**).

Kerajaan Malaysia turut telah memperuntukan RM1.5 juta untuk pembelian peralatan khas dalam menjalankan program pembiakan serta untuk penjagaan kesihatan pasangan Giant Panda tersebut (**Lampiran 2**).

Lampiran 1

ANGGARAN TANGGUNGAN TAHUNAN KERAJAAN MALAYSIA

Bil	Perkara	Anggaran
1	Yuran konservasi USD1 juta setahun untuk sepasang Giant Panda (*RM3,400,000/thn, USD1=RM3.40)	3,400,000
2	Dana penyelidikan konservasi Giant Panda	150,000
3	<i>Giant Panda Conference</i>	26,925
4	Penyelenggaraan Ladang buluh dan buluh di Paya Indah Wetlands (PIW)	36,000
5	Pelaksanaan Mesyuarat Joint Committee Giant Panda Kerajaan Malaysia-MZS	1,000
6	Penerbitan <i>short trailer/coffee table book/brochure</i>	50,000
7	Kerja-kerja penambahbaikan/penyelenggaraan tambahan hasil input China Wildlife Conservation Association (CWCA)	2,000
8	Latihan 14 hari kepada 10 kakitangan China di Malaysia (<i>conservation of wildlife, development of ecological tourism and management of zoo</i>)	170,000
	Jumlah	3,835,925

Lampiran 2

SENARAI PERALATAN KHAS GIANT PANDA

Bil.	Item/peralatan	Kuantiti
1	<i>X-ray Mobile machine</i>	1
2	<i>X-ray Cassette (Floor stand)</i>	1
3	<i>Ultra sound scanner</i>	1
4	<i>Anesthesia Machine</i>	1
5	<i>Microscope</i>	1
6	<i>Electro-ejaculator</i>	1
7	<i>Electro-ejaculator accessories</i>	1
8	<i>Computer set (desktop)</i>	1
9	<i>Analytical balance</i>	1
10	<i>ELISA Machine</i>	1
11	<i>Microplate Washer</i>	1
12	<i>Table Top Refrigerated Centrifuge</i>	1
13	<i>Adjustable Surgical Table + surgical light (custom made)</i>	1